

PICRIS GRACILIS Jord.

P. pedunculis subcorymbosis, involucri subcanescentis pilis glochidiatis parcè obsiti demùm in medio constricti foliolis lanceolatis obtusis, exterioribus subpatulis, ligulis *subtùs concoloribus*, akeniis fuscis transversè rugoso-striatis, foliis viridibus utrinquè *pubescentibus parùm asperis*, radicalibus caulisque imis in petiolum angustatis *lineari-lanceolatis acutis breviter sinuato-dentatis*, dentibus *ovatis lanceolatisve acutis patulis*, caulinis plerisque semi-amplexicaulibus, superioribus præsertim parcè dentatis abbreviatis, caule *gracili* leviter striato *breviter et tenuiter hispido parùm aspero* erecto supernè ramis erecto-patulis paucifloris aucto, radice bienni vel perennante.

Hab. in nemorosis siccis Delphinatùs propè *Briançon*, ubi eam adhuc florentem 30 aug. anni 1842 et 31 aug. anni 1851 ipse copiosè legi.

Habitu medium ferè tenet inter *P. hieracioidem* L. et *P. Villarsii* Jord. in Cat. Dijon 1848; sed his duobus valdè gracilior est.

A *P. Villarsii* recedit florescentiâ seriore, foliis angustioribus, involucri floribusque siccitate immutatis nec fusciscentibus.

A *P. hieracioides* differt præsertim pubescentiâ omnium partium valdè tenui et abbreviatâ parùm asperâ, ut in *P. Villarsii*. — A *P. crepoide* Saut. quæ pedunculis incrassatis, capitulis involucrique majoribus, hispiditate valdè longiore et habitu robustiore prædita est, multò longiùs discrepat.

TARAXACUM AFFINE Jord.

T. capitulis terminalibus solitariis, involucri basi *obconici* foliolis viridibus sub apice ferè ecarinatis, exterioribus brevioribus